



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 82. Ejusdem Myst. punct. 2.

[urn:nbn:de:hbz:466:1-60232](#)

VOL. Non tantum corde; sed opere ipso offeramus Christo, domum nostram, divitias, honorem, sanitatem, vitam: paremus sic ipsi cœnam, & sic cum ipso epulemur, non in fermento veteri, neque in fermento malitia; sed in azymis sinceritatis & veritatis. I. Cor. 5.

COLLOQ. Prout notantur post tres hominum classes.

RECOLLECTIO. REPETITIO. APPLICATIO SENSUUM.

MEDITATIO LXXXII.

De Cœna apud Bethaniam. Matth. 26,

Myst. punct. 2.

CONG. Eadem.

PRÆL. I. Effudit Maria unguentum super caput ejus, ubi Christus cœnabat.

PRÆL. II. Videre locum cœnæ.

PRÆL. III. Petere inflatum desiderium adhærescendi Christo tanto propensius; quanto incredibiliorem ejus in nos amorem conspicimus.

PUNCTUM. I. PERSONÆ. MEM. Videamus acumbentem in domo Simonis Leprosi. Lazarus vero unus erat ex discubentibus Joan 12 & Martha ministrabat. ibid. Maria vero parabat unguentum.

INTEL. Consideremus Lazarum animo & oculis

Q 2

fixum

fixum in contemplatione sui Servatoris : Marthæ interiorem devotionem ministrandi: Mariæ sollicitudinem ad dignum aliquem Christo honorem exhibendum : omnes plenos benevolæ in Christum Charitatis. REFL. Sic decet nos quoque interiori animo esse erga Christum Servatorem nostrum tam amabilem.

VOL. Totos nos effundamus in admirationem tantæ potentia, tantæque pulchritudinis Christi; contemplemur ejus in nos amorem, & beneficia; cogitemus, quomodo illi obsequiem : reverentiam, & honorem præstare velimus, præsertim in coena Eucharistica.

PUNCTUM II. VERBA, MEM. Imaginemur, quid personæ illæ eadem dixerint, aut potuerint dicere.

INTEL. Credibile est Lazarum exclamasse non semel intuendo Christum: *Redemptor vita mea.* Thren. 3. Martham verò aliis ingeminasse: *Servite Domino in latitudine.* Ps. 99. Mariam denique Christo sic locutam: *Oleum effusum non revertetur;* ideo adolescentula dilexerunt te. Cant. 1. REFL. Applicemus nobis hæc omnia. Nam non minoribus titulis, debemus Christum diligere, eique servire.

VOL. Amemus Christum tamquam Creatorem & Redemptorem, & Dominum, & Deum nostrum: idque coram aliis voce etiam testemur, ipsum laudando.

PUN.

PUNCTUM III. OPERA. MEM. *Accedit ad eum Mulier habens alabastrum unguenti pretiosi, & effudit super Caput ipsius recumbentis.* Matth. 26. *& domus impleta est ex odore unguenti.* Joan. 12.

INTEL. Meritò Maria effudit illud unguentum supra caput Christi, tam amabile; quod plenum erat donis, & fructibus Spiritus Sancti; cuius virtutum odor, non tantum domum illam; sed, & totum Orbem terrarum, & Cœlum replet, & omnes recreat. REFL. Curemus ut nos quoque participes fiamus illius odoris, & dicere possimus: *Christi bonus odor sumus.* 2. Cor. 2.

VOL. Decernamus omni studio id agere, ut bono virtutum odore, omnes trahere conemur à vexillo diaboli, ad suave jugum, & vexillum Christi.

COLLOQ. De duobus vexillis. RECOLLECTIO.

MEDITATIO LXXXIII.

De Cœnâ apud Bethaniam Matth. 26.

Myst. punct. 3.

ONG. De more.

PRÆL. I. Quomodo Christus Mariam defendet, contrà Judam obmurmurantem.

PRÆL. II. Conspicere locum convivii.

PRÆL. III. Petere gratiam contempnendi hominum judicia, & sequendi pauperem Christum.

Q₃

PUN-